

王焱 編

# 日本漢文學百家集

242



北京燕山出版社



王焱 主編

日本漢文學百家集  
242



北京燕山出版社

第二四二册

篁園全集 卷六至卷二十 野村篁園著 天保十五年  
.....  
—

篁園全集

六



篁園全集卷六

淡湖數叟填

秋蓬笛譜

點絳脣 題畫

過雁聲中、瑠田倒蘸紅千樹、愛茲幽趣、似向鱸鄉  
住、短舸何人直劃涼波去、天將暮、淡煙疎雨、望  
斷瀟湘路、

前調

江山晴雪圖

快雪初晴、玉花粧點佳山水、月懸林梢、夜景殊娟  
娟、四顧無塵、濯魄冰壺裏、寒侵袂、銀塘十里、底

處尋梅忘

折桂令

夏日永峯別業招集

喜賞梅一兩初收、家鴿馳書、從此清遊、林色未乾、山光欲滴、水韻偏幽、移怪石、竹陰支鼎、掃涼灣、蘆外投鉤、美景難酬、一派鳴蟬、撥了詩愁、

南鄉子

謝人贈枇杷

和雨摘盈筐、嫩葉參差兔耳長、異種知從真蠟國、微黃、却笑誰柑謾待霜、嚼破幾千房、一勾甘泉、賤齒香、不比仙人銅掌露、清涼、洗盡文園舊渴腸、

滿江紅

初夏借遊谷墅二首

敢羨坡邊、重臨到、三年夢境、認葦外、画欄臨水、風  
吹倒影、嫩綠深、遮行爲路、殘紅亂點、澆花井、恰輕  
陰、不暖不寒天、勝春景、談妮々、揮犀柄、吟細々、  
燒猊鼎、僅偷閑半日、倍緣都屏、耳界涼生、泉一派、  
心田冷沁、雲千頃、笑醉翁、老去漫裁詩、思清韻、  
水石澄鮮、誰辰却、丹青一幅、愛此處、鳥歌魚舞、宛  
然濠濮、百畝池光、銅鏡拭、四圍林影、瑤蓼簇、任村  
鐘、數杵報黃昏、螢燃燭、山經兩、清如林、簇漾月、  
涼堪掬、喜鸚班、顰謝、鷗盟重續、越碗分茶、凝碧乳、  
斧刀斫、荀供蒼玉、約歸休、何日卜芳鄰、陪高躅、

水龍吟 水笙

老冰知歷千年、琢成誰製、茲奇器、玲瓏薄質、皓凝  
冷魄、象岳修鼻、水迸一絲、露飛千顆、滿盤皎潔、沉  
妙音、嚙亮、乍宏、還細、閑聽取、添涼意、不假纖纖、  
玉指、趁輕風、變高流、微、疎如、跌兩、猛如、噴瀑、足清  
雙耳、緜嶺、新聲、瀛臺、舊譜、寫應不似、只松、聽竹、搥  
茶瓶、沸處、僅同、幽致、

浪淘沙 題画

木杪衆峰懸、鳳翥熊蹤、奇觀欲誇李青蓮、倒挂一  
條秋水刃、劃斷蒼天、落日照危巔、卉石澄鮮、恍

聞林鳥弄冰絃、采藥幽人未返、雲鎖茅椽、

百字令

危峯石為  
阿晴嶠賦

媧皇底意、向塵寰拋擲、補天殘塊、碧壤沈埋經幾  
劫、染出一堆螺髻、潤質凝雲、紋紋疊浪、造化鍾幽  
美、朝指暮拭、劇於十五孃子、還笑震澤奇形、仇  
池怪狀、何足論軒輊、試洗淘泓、涵倒影、宛似危峯  
將墜、注水泉飛、焚香霧漲、清供諧幽思、日餐蛾綠、  
滌來塵土腸胃、東坡仇池石詩  
秀色如蛾綠

壺中天

秋蘆畫扇  
松陰索賦

瀟湘雨後、瞰擺波搖曳、幾叢殘碧、露穗煙莖喧不

定、粧點滿汀秋色、細裊鷗沙、斜圍蟹舍、偏覺清詩  
魄、縮竿收去、半蓬香夢將滴、誰寄冷澹生涯、豈  
檐蓑袂、穿過晴灣、遠笛三聲、人底處、忽被輕嵐  
遮、隔、扇裂蟬翎、亮調獺髓、描出漁村夕、一揮涼動、  
似聞風葉蕭颯、

浪淘沙 茉莉

奇樹翠琅玕、遠自閩山、晚涼庭院雪成團、浴後風  
攔、閑倚處、香沁輕紈、較淚滴仙盤、萬顆珊瑚、清  
標爽致、欲摹難、試倩飛瓊、和露折、插遍嬈鬟、

步蟾宮 桂花

婆娑綠雨、莊邊樹、慶暑退、仙葩齊吐、翠雲帷薄、貯  
奇芬、似熟却、蛟黎半炷、疎簾送落、銀宮露、任一  
味清寒、徹腑、擬分瑤朶、挿紅塵、芽恨之、吳剛玉斧、

風蝶令 菊花

蝶外三條、逕、蛩邊、一尺、籬、此中好、看、傲霜枝、落帽  
佳期已近、雨漸、久、麝炷、熏、金盞、蟬紗、護、玉肌、殷  
懃、摘露、泛、清卮、恐被、花神、冷笑、解官、遲、

江南令 梅花

香澹、々、影、朧、々、黃鬚、煙、暈、濕、素、頰、雪、痕、融、一、聲、卷  
管人何處、夢斷、參、橫、斗、轉、中、

昭君怨 荷花

昨夜仙宮宴散、誤墜幾枝瑤鈿、誰是拾收來、揜澄  
漪、玉骨清於拭雪、立盡銀塘落月、画槳趁香風、  
鏡光中、

春光好 海棠

誰拈管、巧描成錦官城、及此霞蒸露浴、轉娉婷、  
底用燃銀燭去、冰涼向嫩梢生、夢過玉皇紅世  
界、喚不醒、

臨江山 薔薇

滿架染殘猩血色、翠羅深掩冰膚、粧成玉砌雨晴

初、何人買笑、費盡萬青蚨、暖露洒花濃、麝重、千

窠、滴破明珠、勸君芒刺、莫刑除、苦鈎春色、不許付

華胥、賈氏說林、漢武帝與麗娟看花、薔薇始開、態

笑、可買乎、帝曰、可娟奉金百斤為買笑、麗娟戲曰、

錢莊南傑薔薇詩、深紅刺短鈎春色、

玉團兒、瑞香、廬山夢後推為瑞、掩眾芳、妍姿旖旎、嫩綠帷中、傘

檐裁素、軫房抽紫、天翁著意、生群卉、豈得一花、

能兼二美、獨此超凡、艷欺桃杏、香喻蘭芷、

占春芳、芍藥

珊瑚朶、琉璃葉、凌此殿、春芳護、以千重錦幙、圍之

百尺銀檣、奇種出維揚、料花神別試、仙妝宋紅、  
劉白知多少、總讓我驚黃、

點絳脣 梳花

六出奇葩、法身原是誇清淨、晚風難定、搖曳晶球  
影、不染炎埃、對此塵心醒、紗窻靜、鼻端香送、省  
燕籠涎鼎、

水調歌頭

中秋梅巖夢湖在過  
詞以誌喜用坡老韻

秋色冷於水、白露滴金天、愛茲三五佳興、不減便  
公年、萬疊皂羅纔裂、一顆晶丸乍送、冰暈逼簾寒、  
髻髻銀蟾窟、人在桂香闌、宿鴉噪、啼蛩亂、未成

眠綠尊須倒、明夜爭得個團圓、儘輕窳飄灑、別有  
雙珠騰米、四美韋能全、笑煞王念判、賓榻擁嬋妍、

三更微雨、俄至梅聖仲秋不見  
月、酬王舍人詩、自有嬋妍侍宸榻

念奴嬌 觀楓

金神一夜、把膜脂萬斛、四山勻注、忽怪林巖都變  
海、捧出珊瑚、寸樹灞岸霞烘、吳江露涼、頓覺添佳  
趣、吟鬢徒歎、難廣小杜新句、最好落日溪橋、閑  
雲野寺、短策尋秋去、錦葉埋蹊深一尺、唯怕着鞋  
無處、冷鴈斜行、昏鴉亂點、此景堪描取、徘徊已久、  
滿衣飄墜紅雨、

水龍吟 古刀

帝爐噴出紅雲、金靈恰應穿鍼節、飛廉擊索、赫冲  
裝炭、鍛成英鐵、連錫雪凝、麥芒星碎、冷涵毛髮、向  
晴旌、揮弄神光四射、驚白晝、生長睨、萬古腥氛  
未滅、認模糊、殘壘血沈、寬暗恨、憑誰可訴、世無  
歐薛、虎氣衝墳、龍指吼、月淒霜冽、儘馮燿老去  
一序雄心、共銛鋒折、

沁園春

予嘗愛稼田之勝欲買一區  
供娛老而未果詞以誌憾

萬頃平田、山圍水繞、隔了塵區、况楓梢淺色、微霜  
墜後、蘆花淡影、明月升初、遠郭依稀、低橋宛轉、總